

Gerrako krimenen edo gizateriaren aurkako krimenen errudunak identifikatu, atxilotu, estraditatu eta zigortzeko nazioarteko lankidetzaren printzipioak

1973ko abenduaren 3ko Biltzar Orokorraren 3074 (XXVIII) ebazpena

Biltzar Orokorrak,

Gogoratzuz 1969ko abenduaren 15eko 2583 (XXIV), 1970eko abenduaren 15eko 2712 (XXV), 1971ko abenduaren 18ko 2840 (XXVI) eta 1972ko abenduaren 18ko 3020 (XXVII) ebazpenak,

Kontuan hartuta nazioarte-mailan neurriak hartzeko beharrian berezia, gerrako krimenak eta gizateriaren aurkako krimenak egiteagatik errudun diren pertsonak epaitzeko eta zigortzeko,

Aztertu ondoren gerrako krimenen edo gizateriaren aurkako krimenen errudunak identifikatu, atxilotu, estraditatu eta zigortzeko nazioarteko lankidetzaren printzipioak,

Adierazten du Nazio Batuek, Gutunean aipatu proposamen eta printzipioek gidaturik, printzipio horiek dagozkiela herrien arteko lankidetzaren garapenari eta nazioarteko bakea eta segurtasuna mantentzeko, nazioarteko lankidetzaren ondorengo printzipioak aldarrikatzen dituzte, gerrako krimenak eta gizateriaren aurkako krimenak egiteagatik errudunak diren pertsonak identifikatu, atxilotu, estraditatu eta zigortzeko:

1. Gerrako krimenak eta gizateriaren aurkako krimenak ikertu egingo dira, edonon egiten direla eta zein datatan egin eta data hori edozein dela, eta krimen horiek egin dituzten pertsonen erruduntasuna frogatzen bada, orduan, pertsonok bilatu, atxilotu eta epaitu egingo dira, eta errudunak direnean, zigortu ere bai.
2. Estatu orok du eskubidea bere naziotasuna duten pertsonak epaitzeko, gerrako krimenak edo gizateriaren aurkako krimenak egiteagatik.
3. Estatuak bi aldetara eta alde anitzetara arituko dira lankidetzan, gerrako krimenak eta gizateriaren aurkako krimenak zigortzeko eta prebenitzeko, eta horiek gauzatzeko beharrezko diren estatu barneko nahiz nazioarteko neurriak hartuko dituzte.
4. Estatuak elkarri laguntza emango diote, halako krimenen ustezko egileak identifikatu, atxilotu eta epaitzeko, eta horiek zigortzeko, errudunak badirela adieraziz gero.
5. Gerrako krimenak eta gizateriaren aurkako krimenak egin dituzten pertsonen erruduntasuna frogatzen bada, krimenak zein herrialdetan egin eta herrialde horietan epaitu eta zigortzeko dira, errudunak badirela adieraziz gero. Horiek horrela, estatuak elkarrekin lan egingo dute pertsona horien estradizioa gauzatzeko.

6. Estatuak elkarrekin lan egingo dute ikerketari buruzko informazioa eta agiriak batzen, eta goian azaldutako 5. paragrafoan zein pertsona aipatu eta pertsona horien epaiketa errazteko, elkarrekin trukatu dituzte informazio horiek.

7. 1967ko abenduaren 14ko Lurralde Asiloari buruzko Adierazpenaren 1. artikularekin bat etorritik, estatuak ez die inori emango asilorik, horren inguruan oinarritzko arrazoiak daudenean pentsarazteko bakearen aurkako krimenak, gerrako krimenak edota gizateriaren aurkako krimenak egin dituela pertsona horiek.

8. Estatuak ez dute onetsiko lege-xedapenik edota beste izaerako neurriak, horiek gutxiesten badute aurretiaz estatuak bereganatutako nazioarteko betebeharrak, betebeharrak horiek badagozkie gerrako krimenak edo gizateriaren aurkako krimenak egiteagatik errudunak diren pertsonak identifikatu, atxilotu, estraditatu edo zigortzeari.

9. Gerrako krimenak edo gizateriaren krimenak egin dituzten pertsonak identifikatu, atxilotu, estraditatu eta zigortzeko, pertsona horien aurka halako krimenen erruduntasun-frogak badira, eta errudunak direla adierazi bada; orduan, lankidetzan ari diren estatuak hertsiki beteko dituzte, nahiz Nazio Batuen Gutunaren xedapenak, nahiz Gutun beraren arabera, estatuaren arteko adiskidetasun eta kooperazioaren harremani buruzko nazioarteko zuzenbide-printzipioen inguruko Adierazpenaren xedapenak.